

OMUKWETU

Registered at the General Post Office as a Newspaper

10c

OMAMONIKO AJUSTINA A HEPALULWA YO MONIIPA

Sebulon Ekandjo

Omuprofeti Justina Haihambo Oshoondaha yotete yohani ei Maalitsa okwe i kala meongalo laShitayi nolaNiipa, omaongalo omOndonga. Ovanhu ve fike po 700-800 okwa li va ongala va pwilikina omahunganeke omuprofeti ou.

Omukulukadi wofika ihupi nolutu la ngungila nawa, e li mOmudjalo mutoka wa mangifwa ekwamo litilyaana eshi ta popi kapu na ou kwa li ta fuda opo va pwilikine oikumwifa ya monika kuye.

"Ame kandi shi omuprofeti ngashi mwa luka nge, ame omutumwa ashike waKalunga womomhepo," osho meme Justina a lombwela eongalo laNiipa, melixupipiko nomondaka ya ye i yela itai limbilike nande omatwi eembunga domafele mahapu.

Eshi a yelifa tete omaudaneko aJesus mealuko laye pambimbeli meme Justina okwa ti, kutya etumo laye komaongalo okudimbulukifa ovafita, ovaevangeliste novaitaveli aveshe osho ve shii shito.

Mokukoleka eendjovo detumo laye okwa hokolola ehistoli laye omo mwa kwatelelwa omamoniko oo e a tomona koolimwe noolimwe.

Omuprofeti okwa ulikilwa nhumbi ovaitaveli tava hangika koita idjuu oyo tai hetekele okudima po omushiyakano waKristus. Pamoniko laye oita ei oyomafiku atatu aeke, noi na oudjuu inau kala natango kombada yedu.

Okupwilikina oukwatya wolwoodi eli omunhu oto kwatwa diva kelondwelo laJustina moku-fatulula omafiku a xuuninwa eshi a tya:

Tala kep. 2

Meme Justina Haihambo, omuprofeti ou a tumwa okupapudula omaongalo, opo ve lilongekidile euyo IOmvene.



a hepaununwa mOniipa

Dha za kep. 1

"Omafiku oo ngeno itaa xupipikwa, ngeno kapuna nande onyama imwe tai xupifwa," Mat. 24:22.

"Kape na omalimbililo, efindano lomushiakano oko li li molwoodi eli ndele nee okwaavo va diinina eendjovo daKalunga".

Osho omuprofeti a twa eongalo omukumo, osheshi okwa talifwa nhumbi omukondjifi ou, ofingo yaye ya teywa nde omutwe waye tau tatuka pokati.

Omutumwa ou okwa talifwa yo evakulo lovaitaveli moshilemo she va kombelela keembinga adishe dounyuni. Okwa talifwa yo alupe lenyumuko lovaitaveli. Okwa hokolola omadidiliko mahapu a ningilwa kolutu laye nokwa lombwelwa kutya osho yo taa ka ningilwa ovaitaveli aveshe.

Molweendo eli okwa fininikwa kOmhepo a hokolole oinenenima ei mOshitayingeleka shaNdonga. Ye mwene olweendo okwe li luka: **Epapudulo lepya laKalunga fimbo eengobe domutondi inadi ya moihati.**

Elaka eli okwe li twala yo keehamba nokoo-vene vomapangelo. Eudifo laye olinyenye, la kanghamekelwa kOmbibeli kombinga yealuko laKristus, Mark.1:14-15.

Omulininipiki, e yadi ombili nde omaukwatya aye mahapu otaa ulike nokutya oku li natango lela paunhu, ashike oukwamhepo muye ouhapu.

Okwa hokwa Ongeleka neshikulafano layo, ashike eshi ta pula kuyo e lidilululo; ovo vee na ombili ve i paafane, eehombo da teka di wapekwe, ovakondwa va shune meongalo; ovafita novaevangeliste va xunge shili eemwenyo, neendjovo daKalunga di diininwe komunhu keshe.

Uudhigu waSoweto tau tilwa omeya

Omwaalu gwiimaliwa R 240,000 ogwa gandjwa koongeleka 16 dhomuEuropa, Amerika nokomahanganongelegeka gopalwe wo okunengeneka oluhodhi lwakali yomolukanda olunene, Soweto muJohannesburg.

Moka omagumbo ogendji oga kanitha aanona ya dhipagwa nenge ye edhililwa moondholongo nenge ya fadhuka po kuudhigu mbuka noya taaguluka ongamba ya ka holame kiilongo yopondje. Osha ningwa okuza muJuni 1976.

Ehangano lyoongeleka mu S. Afrika olyo omutopoli gwiimaliwa mbika ya gandjwa palukeno lumwayinathana wopaKalunga. Aantu 4,700 oya mona nale nokuli ekwatho ndika.

Southern Cross

Ileni tu yeni kuGolgota tu ka tale oikumwifa momushiyakano. Komushiyakano kwa endjela ependa Kristus, a tokola oku tu fila momushiyakano, mokutilashi ohonde yaye omolwetu. Exupifo la longwa la pwa nola wani-fwa kOndjona yaKalunga, Hebr. 8:6.

Kristus oye efina lexupifo noye exupifo leemwenyo detu. Momushiyakano a ingida mokule nounyuni aushe wa uda eingido eli. "Sha longwa sha pwa, Joh. 19:30. Kristus a finda efyo noulunde, fiyo a ninga Omwene wetu nowexupifo letu.


Ileni tu yeni kuGolgota! Omukwetu, Kristus ote tu ifana: Ileni kuame, xupifweni, mangu-lukeni momatimba nomomudile wefyo! Ame ohandi mu mangu-lula. Iinei nokuhe na outile washa!

Omukriste mukwetu, efimbo lelao oleli tu konge Kristus. Ileni tu yeni kuGolgota! Nokuhe na Kristus itatu dulu akweenda mombu-wa ei i yadi oulunde nefyo. Komushiyakano Kristus a tilashi ohonde oyo hai popi nawa i dule ohonde yaAbel nohonde yekulilo ya wanenena, Hebr.9:11-28.

Onye yo ovatembuki mwa dja muAngola: Ileni tu yeni kuGolgota! Udeni ondaka yOmwene ote mu ifana: Ileni kwAme. Xupifweni koixuna youlunde weni, nye mu tambule edimepo lomatimba tali di mohonde yange, Kristus osho ta ti.

Kufyeni atusheni efimbo lelao olo eli. Exupifo letu ohatu li mono ashike muKristus. Natu kongeni Jehova manga ta monika tu mu ifaneni manga e li popepi, Jes.1:18-19,60; 1-2. Ileni tu yeni kuGolgota.

S. M. Haimbili



Shipaka shomakwega oshe ku alula. Ongame nde shi tala notandi lil' Omuwa.

Ndi lwete oondjo dhandje odhe ku hepeke. lilalo mbi iilulu nde yi ku longele.

Uulunde kehe wandje mbo ndi mu hol' Omuwa. Aluh' omwenyo gwoye Otau gu ulula.

Mat. 27:33-57.

Omumvo kehe otatu tumbula epandja nenge eha Golgata, etunda lyuudhipagelo. Ehistoli lyiigwana olye shi yelitha nkene eha ndyoka lya longekidhwa moshigwana kehe, mpoka aageelwa haya dhipagelwa. Osho sha ningwa wo nomuPalestina.

Peha ndyoka aakeenandjo oya sile po omoluugoyoki wayalwe naanandjo ya sile po ofuto yoodjo dhawo. Jesus opo a li a falwa, omukeenandjo nomuyoni Barabas ta gamenwa.

Shika otashi yelithile ndje nawa ehala lyandje ongomulunde mpoka nda li ndi na okukala -opuGolgata, pokahwa kuudhipagelo, hapalwe nando.

— Oye mu pe onyango okunwa ov. 34. Kapu na nando gumwe ta vulu okuthikamena eha ndika. Mboka ya falwa po oya yambidhidhilwa po nekanitho lyamaiuvito. Jesus okwe li taamba nuuwehame walyo auhe inaa hangulwa. Epupaleko lyuululume we okwe li kandulile kokule.

Mpaka opo tatu uvu ko tango esindano lya-Jesus okuhumbata uudhigu. Aluhe ite u punguluka, ihe ote u taalele oshipala.

— Tu yeni kuJerusalem ndi ka hepekwe, Mat. 16:21.

— Ngele ongame tamu kongo, ongame ngu, Joh. 18:7.

Mbika ayihe ando Jesus ine yi taamba, ando ya kala kombanda yandje notayi ninginitha ndje.

Oya topola oonguwo dhe. ov. 35, ngoka taye mu sheke, aniwa ogwowa mushika oya zimine kutya ota vulu oku ya zaleka. Omuyambeki okwa hepa nomuzaleki ota monika e li olutu lwowala, Ps. 22:19.

Ando ndi uve ko nawa epingathano ndika lyoondunge dhaKalunga. Omuyuki ta pe ndje uuyuki we, ye ta taamba oondjo dhandje, a ninge omulunde.

— Aakolokoshi yaali ya alelwa pamwe naye, ov.38. Okukalamwenyo kwaJesus olwindji okwa adhika mokati kaalunde, Jes.53:12. Osho wo ethimbo lye lyahuginina okwe li kala naantu ya tya ngeyi e ya likole, Luk.23:43.

— Mboka ya piti po oye mu sheke ov. 39-44 Ekanitho lyuuyuni auhe oli na olupe lwa fa lwesindano. Uuyuni otau nyanyukilwa einyengo ndika lya fa tali sindana. Osho sha ningwa puGolgata. Osho tashi ningwa momidhi-ngoloko dhetu.

Ehupitho lyaKalunga otali holoka kutse molupe luugoya. Mboka taa lika komayoka, otaa hupu nge taa ligamene keyoka lyaKalunga.

Mboka taa hupithwa koshidhipagelo shaGolgata oyo ayehe mboka taa itaale mungoka, e endjelela poshikulundundu shaGolgata. Taamba uugoya mbuka waKalunga.

— Jesus okwi igidha mokule ov. 46. Ndika eigidho lya ningwa konima yootundi 9, Jesus e li komushigakano. Kashi shi oshipu okufatulula eigidho ndika. Yamwe otaye li tala kutya olyo onkugo yesindano. Yamwe ishewe otaye li tala onkugo yetyololoko.

Uuwehame woomboha, omasheko gaapitipo momilema, mbika Jesus ka kwa li ta vulu o ku yi humbata.

Omupisalmi ote shi yelitha nawa, Ps. 69:21 na Ps. 116:3. Monkalo ndjika egalikano alihe

Jesus a tala otali vulu oku mu hupitha. Omaha goludhi lwaGolgata oga fa itaaga monika we mokati ketu, ihe shono hashi longelwa mugo, epulo enene ngele nasho wo osha hula po. Eha ndika kungame nuumvo omwenyo nenge eso?

Sebulon Ekandjo



Olyelye a itavela eudifo letu nokwoko kwOmwene okwa hololelwa lyelye? Okwa holoka koshipola shOmwene ongoshitutumine, ngashi omudi womedu likukutu. Kakwa li e nolupe noshinge ngeno tu mu tale, Ye kakwa li e nodilo ngeno tu mu hokwe. Okwa li a dinika, okwa efiwa kovanhu, omulumenhu womaluhodi nomwiiki woyahame Oye a tetwa mo medu lovanamwenyo; molwomanyonauno oshiwana shange, ehandu ole mu hange, Jes.53:1-3,8.

UUKONGINDJILA OTAU LALAKANENE EKOKO LYUUNTU AUHE

Frans Ihuhwa

Otu li moshituthi shomimvo 10 dhuukongindjila mOwambo. Nomoshituthi muka onda hala tu taleni iinima mbyoka muukongindjila nda tala yi na oshilonga noonkondo mpaka nopalwe wo.

Oshitya uukongo otu shi shi sho tashi ti osho wo ondjila. Otandi thikama kashona poshitya uukongo, opo tu tale oshilonga shomukongo. Uuna omuntu eli omukongo oha kala i ipya-kidhila noonkondo ota kongo ngaashi naanaa aakongindjila yetu mu li po ethimbo kehe.

Uukongo kau shi oshinima oshipu -kau shi elalangali - omukongo iha pitilwa ketango montanda - ngaashi naanaa tashi holoka melandulathano lyeni lyoshituthi - sho hamu tameke montano yongula - osho shi na okukala omukongo ngaaka. Omukongo iha si uunye, iha tonyala, iha tila ondjala nenota.

Omukongindjila ke na ongamba - ota kongo momututu gwegumbo, momukunda, momudhingoloko, mongeleka moka e li - ta longo mo ta tala ngele otamu monika tuu eitaalo, ohole, ombili. Sha hala okutya owa pewa uu-themba wopakalunga waa na ongamba - opo u longe oshilonga shaKalunga. Euvaneke lyoye ngoye omukongindjila otali ku tompo, ngele ito shi ningi.

Tseni aakongindjila, aavali yaakongindjila, nookuume kaakongindjila, otu li mekwi - otatu tegelelwa tu ambidhidhe aakongindjila mbaka, opo ya longe oshilonga shaKalunga, inatu ikutha mo sho aniwa inaatu ninga euvaneke.

Onkatu ontiyali oyo elalakano lyuukongindjila. Ehangano ndika inali dhikwa okugongela aantu osima - ihe opu na elalakano lyasha yokukwatha, okuhunga omuntu pambepo nopalutu pethimbo limwe. Mpaka opu na omadhiladhilo omanene gomuule kaatu shi okupita po owala.

Natu tale po nawa lela - Ombepo nolutu yi kwathwe yi hungwe pethimbo oyo tuu ndyoka. Natu leshe kashona Epistoli lyotango kaAkorinto 6:19

Elalakano lyuukongindjila ano mpaka otali talelwa moohapu ndhoka twa leshe: Kutya hambepo ashike tayi lalakanenwa ndjo yi li momukongindjila, ihe egumbo otempeli moka ombepo yi li mo. Ano olutu lwomukongindjila lu kale lwa yela, opo ombepo yi vule okukala molutu oluyogoki. Oshilonga shuukongindjila otu wete mpaka nkene tashi kondjele eshito lyaKalunga momuntu pethimbo limwe. Oshilonga oshinene lela shika mwa pewa mu shi longe: Otashi mu pula oshindji.

Otaa kongo noya kanitha ekwatho lyopambepo nolyopalutu. Otaa pumbwa uukolele woomohapu dhaKalunga - moombepo dhawo, ngaashi naanaa mwa kala mu na ootundimbimbeli nomaudhano gi ili nogi ili.

Aakongindjila ano oye li molukongo ethimbo kehe, opo yi ilikolele sha palutu napambepo. Taa matuka, opo ya ka adhe ethikilo ngaashi Paulus ta nyolele Aafilippi 3:12-14.

Ehangano ndika olya totalwe kaatumwa Aasoomi lwopo 1960, kuEero Hatakka naPauli Laukanen (Namuhwika). Momumvo 1966 omo lya ziminwa kepangelo. Eero Kervinen (Eki) okwa wilika sigo aakambadhali 22 taya gandja euvaneke eti 29.6.1967.

Aakongindjilamati mOwambo oye na omuwiliki (District Commissioner) Abner Shaneyngange nakomufala guukongindjila muNamibia alihe (Division Commissioner), J.C. Meinernt.

lilyo yaakongindjilamati mOwambo oyi thike 803, omanga aawiliki ye thike 22.

Mbika oyo iiyimati yotango yehangano ndika yi wetike lela noyi shi okupandulwa shili pwaa na omaongaongo:

ii) Okatopolwagana okatiyali monkatu ontitatu otatu mono wo natango iiyimati yaakongindjila yetu, ye vuliko, yuunambili, yohole, yeyakulo noyesimaneko lyaaikuluntu.

Ombinga onkwawo otatu mono iiyimati yuuyogoki wokolutu - ano wegumbo, otempeli yombepo yaKalunga. Oye li po oondjolowele ya ndjanga komalutu. Omizalo noondjenda nomainyengo gawo otage shi holola ethimbo kehe. Ano muule woomvula 10 dha piti po otwa vulu okumakela iiyimati yuukongindjila naamuka mOwambo.

Pehulilo onda hala okutya, tseni aakongindjilamati, omawilikongundu guukongindjilamati, ookuume kaakongindjila, aavali nayalwe mwe ya koshituthi, natu taambe onguta yaashoka Paulus te shi lombwele Aafilippi.

Inatu tala twe shi adha - ethikilo okomeho natu matukeni natango, opo tu adhe ethikilo - ondjambi yesindano otatu ke yi pewa uuna twa zimbulwa muuyuni muka.

Omukongindjila kehe oto tegelelwa u longe uwanawa esiku kehe pambepo nopalutu, sigo esiku ndyoka Kalunga te ku zimbula moshilonga shika oshiwana.

Oshilonga shuukongindjila nashi tsikile natango apehe hamOwambo amuke, opo shi simanekithe edhina lyaTate Kalunga eyapuki.

EKUNDO LYOOMEME KAAKONGINDJILA

Raili Seppälä

Tse oomeme otwa hala aanona yetu ya konge ondjila yeyakulo: okuyakula egumbo, ongeleka noshigwana. Okuyakula hamolwondjambi, ihe omolwohole. Okuyakula mpoka wa indilwa naampoka wo inoo indilwa, uuna pe na ompumbwe. Ombepo ndjika: "Kashi shi oshinima shandje; inandi shi lombwelwa," nayi ze mo maakongindjila.

Oshiholelwa, uuna meme te ehama, ngoye omukongindjila oto vulu okukutha uluko noku-teleka oshithima. Kape na mbudhi ngele oshithima osha ningi etempi nenge sha nika othungu. Shoka shi na oshilonga komukongindjila osho okwiilongekidha.

Onda tseya wo kutya omadhiladhilo gaagundjuka olwindji ihaga tsu kumwe nogooyina. Omadhiladhilo gameme oga kulupa, kage shi gopethimbo ndika, onkee itaga tsu kumwe nogaagundjuka. Omugundjuka aluhe okwa hala a kale omunene, a simana. Okuteleka oshithima kashi shi oshilonga sha simana mokati kaamati.

Natu yelekeni omadhiladhilo ngaka nehokololo ekulukulu, ndyoka tali ti ngeyi:

Okwa li ku na omumati edhina lye Kristof. Omumati nguka okwa li a hala okukala omuntu a simana, e vule aamati ooyakwawo. Okwa ningi elenga lyomukwaniilwa. Okwa kala aluhe nokulandula omukwaniilwa shaa mpoka ta yi.

Esiku limwe omukwaniilwa okwa yi kuukongo. Kristof okwe mu landula. Kuukongo oya mono ko oshiyamakuti sha toka to. Omukwaniilwa okwa li e shi hala. Oya tameke oku shi landula. Aluhe sho ya li taya thiki popepi nasho, oshiyamakuti osha li tashi kana. Konima Kristof okwa ndhindhilike kutya omukwaniilwa okwa tila oshiyamakuti.

Okwe mu pula ta ti: "Oshike wa tila oshiyamakuti?" Omukwaniilwa okwa yamukula ta ti: "Oshinima shoka kashi shi oshinamwenyo, ihe osatana ngoka a hala oku tu pukitha." Kristof okwa tsikile okupula, kutya ope na tuu ngoka e vule omukwaniilwa. Omukwaniilwa okwa zmine kutya oku vulike kusatana.

Okuza mpoka Kristof okwa tameke okulandula satana, a etha po omukwaniilwa. Okwa gwanitha uuhalu we auhe. Okwa mono ngaa esimano mokati kaantu omoluuyamba we.

Esiku limwe yo nasatana oye ende mondjila yimwe. Pooha dhondjila opwa li pwa dhikwa omushigakano omunene nomule. Satana okwa haluka na ina hala okupitilila po.

"Owa tila shike?" Kristof osho a pula satana. "Ngoka a alelwa komushigakano oye Omuna gwaKalunga, Kristus, ngoka a sindi uuyuni auhe. Oye omunene e vule ndje," osho satana a lombwele Kristof.

Tala kep. 6



Aawiliki yaakongindjilamati pamwe naawiliki yaakongindjilakadhona, mboka ya li moshituthi shaakongindjilamati shegwanitho lyomimvo 10, Kolumoho lwefano otaku monika omuwiliki gwaakongindjilamati mo wambo, omusamane Abner Shanyengange (Peka).

"Ngeenge otatu popi oukongindjila, nena otatu dimbulukwa alushe omushamane Baden Powell, Omwiingilisha, ou a tota po ehanganano eli eshi mulnglanda mwa li e dudakano. Ova tota po ehanganano eli mokati kovanyasha opo va kale ve na eudafano, osheshi ovanyasha ovo oshiwana shokomesho. Oshilalakanenwa shehanganano eli osho okutunga omalutu ovanyasha omhepo nomadiladilo ovanyasha."

A. Shanyengange

Ilonga okupita nawa miilonga yoye

Ekundo kaakongindjila

Dha za kep. 5

Omuntu gwomaiyuvito omawanawa oye wo ngoka ha talika e na oondunge dhopashitwe. Omolwomaiyuvito ge ge li nawa, ota vulu okulagopaleka aantu mboka e li nayo. Ota nyanyukwa nota nyanyudha nawa, oshoka momaiyuvito ge kamu na sha tashi eta ekudhilo. Ota hololele yakwawo ohole ye, oshoka momaiyuvito ge kamu na ekudhilo lyasha li kandeke ando eiyuvo lyohole muye.

Omuntu sho e li nawa naantu ngawo nena naantu otaye mu hokwa notaa kala nawa naye

Osha li elago enene ando aantu atuhe tu vule okukala ngaaka, ihe muuyuni womayonuko otashi nyengana.

Momwene momuntu kehe omu na shili ehalo ndika a kale ta piti nawa naantu aakwawo. Omuntu e li nawa (normal) ngele ta dhimbulula yakwawo yaa uvite ombili naye nena ota kanitha eiyuvito lyelago.

Otwa thikamenwa nduno kepulo kutya omolwashike aantu yamwe itaa piti? Okuza owala methimbo lyuunona sigo ethimbo alihe lyokukalamwenyo kwomuntu omuntu okwa kunda iinima iikukutu niipu. Iinima ya kundwa komuntu ohayi ningi omathigila momaiyuvito gomuntu. Iinima iwinayi oya ninga omathigila omawinayi momwenyo gwomuntu nenge ndi tye momaiyuvito ge.

Aantu yamwe oye li mokukalamwenyo ya kanitha elago, ya sithwa oluhodhi noya ngwangwana. Une ne okweendwa nayi methimbo lyuunona ohaku endameke uukwatya nuupersona womuntu.

Omuntu a kuta ohole ngaashi e yi hololelwa muunona we oha kala nawa naantu ooyakwawo; ote ya tala nawa mohole. Omuntu inaa kuta ohole ota kala mokukalamwenyo nuudhigu. Ethimbo alihe ota kala mokukalamwenyo nomaigameno kaantu aawinayi yaa na ohole.

Omundohotola Karen Horny ota holola kutya okweendwa nayi muunona ohaku eta omainyengo gopata tu maantu. Omuntu ota ningi omwaangali gwayakwawo. Ita hokwa ye iti inekele yalwe. Olutiyali omuntu ota kanitha okwiiyinekele eta kala omweendjeleli kuyalwe. Olutitatu omuntu ota ningi omukondjithi gwayakwawo nomweeti guupyakadhi.

Omundohotola Eric Beme okwa mono kutya momuntu omu na oongamenkalelo ndatu: omuvali, omukuluntu nomunona (parent, adult, child).

Omuvali ngele oku na oshipango nonyanya okanona oka pikwa na inaka manguluka. Ndika epuko momuntu. Okanona ngele oka putudhwa ohedhahuka komuvali kee na oshipango, nena ope na epuko na ishewe epuko momuntu. Ihololelwa ayihe mbino otayi kambadhala okufatulula uukwatya womaiyuvito momuntu.

Evundakano lyomaiyuvito ohali vulu okweeta emwawo (schizophrenia) mokudhiladhila. Omuntu ita dhiladhila we nawa nota adhika komahaluhalu gomaludhi gi ili nogi ili. Omuntu gumwe ita hololele we aantu omaiyuvito ge. Ke na uutondwe ke na ohole naantu otaa nyengwa oku mu uva ko notaa kudhila konkalo yi li ngaaka. Gumwe ota kala e uvite e tondiwe kaantu nota ningi omahaluhalu gomalaka omawinayi te ga ulwa kaantu. Gumwe ota ningi omuyanankwengu nota homona nondjahi.

Omaudhigu ga tya ngeyi ohaga vulu okukala ethimbo ehupi nenge okukalamwenyo akuhe kwomuntu. Aantu ya kwatelwe komaudhigu gopamwenyo ohaa nikwanikwa kuyakwawo monkalathano. Shika otashi holola uuhupi woondunge nowontseyo kombinga yomaupyakadhi gopamwenyo.

Kristof okwa dhimbulula kutya nani oonkondo dhasatana hadho dhi shi okulandulwa. Okuza mpoka okwa tameke okukonga Kristus, omusindi guuyuni; omunene e vule ayehe. Okwa tameke okweenda momikunda nomikunda, konima okwa thiki pomulonga. Pomulonga opwa li pu na omukulupe omukriste ngoka a yakula aantu moku ya taagulukitha omulonga.

"Kristus otandi mu mono peni, opo ndi mu landule?" osho Kristof a pula omukulupe. Omukulupe okwe mu yamukula ta ti: "Kala mpaka pehala lyandje nokuyakula aantu, oshoka ngame onda kulupa. Ombepo yaKristus oyo okuyakula aantu. Kala wi ilongekidha aluhe, uusiku nomutenya."

Kristof okwa tameke oshilonga sheyakulo, okutaagulukitha aantu omeya omale nomatala. Okwa ndhindhilike muukongindjila we kutya: "Hakomapangelo hakoondoko, aawe, ihe okOmbepo yandje ayike," Omuwa ta ti.

Omukongindjila, omadhiladhilo getu oga tsu kumwe. Omunene oye ngoka ta yakula.

Uusiku umwe uuyuni sho wa li wa piyagana, kombepo nokomvula, Kristof okwa uvu ewi tali mu ithana kombanda yomulonga tali ti: "Kristof! Kristof!" Sho a thiki handiyaka yomulonga, okwa mono okanona nokwe ka tula komapepe ge noku ka taagulukitha omulonga. Sho a li pokati komulunga okwa ndhindhilike kutya okanona okadhigu noonkondo.

"Ongoye oye ano?" osho Kristof a pula okanona. "Ongame Kristus, ngoka we mu landula" okanona ka yamukula. Kristof okwa ti: "Otandi humbata oondjo dhuuvuni auhe." Jesus okwe mu yamukula ta ti: "Ngashingeyi edhina lyoye nali ninge Kristoforos, Omuhumbati gwaKristus".

Aakongindjila, tse oomeme ekundo lyetu kune oondika: "Ningeni aahumbati yaKristus mokuyakula kweni. Kaleni aluhe mwi ilongekidha."

Omauvu gopamwenyo oge na okuuviwako nokutambwa ngaashi omavu gopalutu. Omuntu na falwe koshipangelo koondohotola a kwathwe. Oondohotola inaa dheulilwa ashike okutsa olutu imbele, oya pewa wo uunongo okukwatha oomwenyo dhaantu.

Omuvali ngele to dhimbulula okanona koye ke na omaihumbato gaa fele ka kongela ekwatho lyandohotola ka kwathwe mbala. Okukala to ka gandagula noku ka ula omalaka omadhigu aniwa opo u ka ndjangeke ko nani oke na nale uudhigu momaiyuvito oto ka yono po ashike.

Ontseyomwenyo oshinima tashi tu kwathele okuwa ko aantu aakwetu noku ya kwatha.

Omundohotola John Sutherland ota ti ando aantu ya kale ye shi okuwa ko yakwawo; omakuthahanopo momagumbo, omaupersona ga endama, oohedhi oombwinayi, oonkambadhala dhomaidhipogo nomauupyakadhi agehe gopamweyo otaga shonopala.

Elia Niinkoti

"PIONIER" a mana oondjenda


Oshifo shedhina SWA PIONIER, hashi nyanyangidhwa mOvenduka, shoka sha pingene po oshifo sha tseyika nawa "Die Suidwes Afrikaner" osha holola omasiku ngaka kutya itashi ka holoka we.

Oshifo shika osha si muukokele womimvo 50. Ano osha totelwe 1927. Uule womimvo 20, Suidwes Afrikaner okwa kala nokukondjela elaka lyOshimbulu, sigo a sindana.

Omusamane Gene Travers, gumwe gwaashangi yoshifo shika, oye a tseyitha kutya itashi ka holoka we. Okwa ti kutya oondjodhi nomalalakano ga li taga dhiladhililwa oshifo shika inaga adhika we.

Omukuluntu gwoshifo shika omusamane Daan Minnaar okwa li a fadhuka po monguwi. Konima yootundi 20 okwa ka adhika moshikunino shontumba ti ipopile owala, a piyagana momuste - okamutse ka pwa ko.

Pakuuva eso lya Pionier olya zi mpoka sho iimaliwa yokushinyanyangidhitha ya pu po. Oonkambadhala dhoku hehela iimaliwa opo shi hume komeho niilonga yasho nadho indhi sindana.



Peter Katjavivi, amushanga gwo-shikondo shomatseyitho mu Swapo.



Oministeli yaRhodesia, omusamane Ian Smith

AASOLOTATI MURHODESIA OTAYA KOLWA

Omupanguli gwaakwiita muBulawayo okwa holola kutya okunwa noonkondo kwaasolotati yometanga lyaRhodesia otaku eta uuhethi nuhasha.

Omupanguli omupopili (advokaat), Flight-Lieutenant D. S. Bester okwa ti, kutya ompangulilo oya pewa uyelele wa gwana kutya okwaanomikalo nokwaapanda iilonga yuusolotati mepangelo okwe etwa kokunwa.

(The Star)

Turnhalle a hulitha — SWAPO ota ti ngiini?

Omutumba gwonakuyiwa yaSuidwes ogwa mana ekotampngo lyagwo lyahugunina omasiku ngaka, ndyoka tali fala memanguluko lyopakathimbo. Ontotwaveta otayi yi manga komusamane Vorster, oministeli ya S. Africa, oyo a ka konakone mo. Emanguluko lyoshilongo ashihe otali ka kala ko meti 31 Desemba 1978.

Pafatululo ndyoka lya zi koshikondo shomatseyitho sha Swapo muLondon otali ti.

* Swapo okwa ekelahi thilu etokolo ndyoka lya ningwa moonkundathana dhoTurnhalle, dhopamavigumbo, dha kankamekelwa kuu-koloni, moka S. Africa e li omukwateliko-meho.

* Swapo naantu yaNamibia oya tokola o-ewekelehi epangelo ndika lyopakathimbo.

* Efatululo olya tsikile tali ti: Moonkambadhala dhetu otwa tsuwa wo omukumo kiigwana yomuuyuni mbyoka ya ekelahi omatokolo ngaka.

* Otatu tsikile okulwa. Otatu tsikile okukondja twaa na ezimbuko, oyo tu mangulule oshilongo shetu tse tu adhe emanguluko lyolela, tali zi mehogololo lya manguluka tali ningwa metonatelo lyiligwanahangano.

Pashifo "Die Suidwester" omasiku ngaka omunashipundi gwoTurnhalle omusamane Dirk Mudge okwa ti kutya oTurnhalle oya adha oshindji na oyi li oshiholelwa oshiwanaawa kii-longo yaAfrica.

Tala kep. 8



Aakiintu yomaitaalo gi ili nogi ili ya za muAfrika, mboka ya li ya kala moshigongi shokwiindungika, muGaberone shaBotswana. Oshigongi shika sha li tashi ilongekidhilwa kaa-kiintu mbaka oshOngongahangano yAakwaluther, shoka tashi ka gongala numvo muTanzania, meti 12-25 Juni. Aawiliki yOongeleka dhi ili nodhi ili muAfrika oya li wo ya gongala pethimbo ndika, muBotswana, opo yi indungike omolwoshigongi tuu shoka sha tumbulwa metetekelo.

AFRIKA OKWI INEKELA LWF

Oongeleka dhAfrika odhi na einekelo lya kola moshigongi oshitihamano ShOngongahangano yAakwaluther (LWF), shoka tashi ka kala ko okuza 12-25 Juni, numvo, muDar es Salaam, shaTanzania.

Aantu ye thike poomiliyona ndatu Aakwaluther yomuAfrika otaya ka kalelwa po moshigongi shika, kaakalelipo yoongeleka 46.

Oshigongi shika shokupaathana omadhiladhilo sha ningwa muFebuluali muBotswana, osha li tashi ilongekidhile oshigongi shoka oshinene, oshitihamano.

TURNHALLE

Dha za kep. 7

Omusamane Mudge mokupopya kwe mOliindili, okwa ti kutya: lilumbu ngele oya hala okukala mevi muka itayi ka sindana mokulongitha omukankaveta, ihe ongele tayi gandja oshiholelwa oshiwana. Okwa ti wo kutya uuwinayi ohau etwa mokuninga iinama iiwinayi.

Okwa tsikile ko ta ti: Ngashingeyi otu na okuululilathana kutya mutse omu na oshili na otu na wo okweetha po uuhona wetu.

Omupaha - amushanga omukuluntu gwa LWF, omusamane Maasdorp, okwa holola shoka i itaala ta ti, kutya Ongongahangano yAakwaluther oyi li po naanaa ehanganano lyiilongo ayihe. Ehangano ndika kali shi andola lyoongeleka ndhoka dha simana nenge inaadhi simana, aawe.

Okwa popi nomukumo ta ti: "Ondi itaala kutya Afrika okwa pumbwa noonkondo Ongongahangano yAakwaluther mUuyuni, komeho gaayihe. Mpaka aakriste yokoombinga noombinga otaya mono omukumo okuuvitha Kristus. Shika otashi tu ningi aantu aape muKristus. notatu vulu okugongala pamwe. koshililo she."

OMUKWETU

Oye oshifo shOngeleka Onkwaevangeli paLuther yomOwambokavango.

Oha nyanyangidhwa mOshinyanyangidho shOngeleka mOniipa.

Omukuluntu gwOmukwetu omumbisofi dr. Leonard Auala.

Amushanga gwOmukwetu omulongi Ambrosius W. Amutenja.

Ondando yOmukwetu komumvo, muAfrika R 2-00, kombanda yomafuta R 4-00.

Omambesitelo pamwe noondando naga tumwe koOmukwetu Oniipa, P/B. 2013 Ondangwa 9270